

周滿原刻本每  
葉十行三十字

梁簡文帝昭明太子集序

竊以文之爲義太哉遠矣故孔稱性道堯  
曰欽明武有來商之功虞有格苗之德故  
易曰觀乎天文以察時變觀乎人文以化  
成天下是以合精吐景六衛九光之度方  
珠喻龍南樞北陵之采此之謂天文文籍  
生書契作詠歌起賦頌興成孝敬於人倫  
移風俗於王政道綿乎八極理浹乎九垓

贊動神明雍熙鍾后此之謂人文若夫體  
天經而總文緯揭日月而諧律呂者其在  
茲乎昭明太子縣明離之極照履得一之  
休徵曰孝與仁窮神盡聖豐下表異垂髮  
應期若夫嵩霍之峻無以方其高滄溟之  
深不能比其大二耀朧蝕而疑明弗虧四  
氣猶爽而履信或一言出知乎微行立彰  
乎遠湛然玄默巍乎莊收居身以約在滿

必冲九德之保無以喻其審諭六行之傳  
豈可語其拾遺叔譽知窮師曠心服行一  
物而三善固無得稱焉至如翠蕤晨興  
班輪曉驚胡香翼蓋葆吹從風問安寢門  
之外視膳東廂之側三朝有則一日弗虧  
恭承宸扆陪贊頽色化闕梓於商庭旣欣  
拜夢望直城而結軌有悅皇心此一德也  
地德褰維天雞掩色構傾椒殿沴結堯門

水漿不入圭溢罕進喪過乎哀毀幾乎滅

滅字慎改池綽既啓探擗標之慟陵園斯踐震

中路之號率由至要之道以為生民之則

固已事彰朱草理感圖雲此二德也垂慈

豈弟篤此棠棣善誘無倦誨人弗窮躬履

禮教俯示楷模群藩戾止流連於終讌下

國遠征殷勤於翰墨降明兩之尊匹姜肱

肱字滿改之同被紆作貳之重弘臨蓄而共館

此三德也好賢愛善甄德與能曲閣命賓

雙闕延士剖美玉於荆山求明珠於枯枯字

蒲改岸賞無繆實舉不失才岩穴知歸屠釣

棄業左右正人巨僚端士丹轂交景長在

鶴關之內花綬綬字慎改成行恒陪画堂之裏

雍容河曲並當今之領袖侍從北塲信一

時之俊傑豈假問謝鯤於温嶠謀黃騎於

張良此四德也皇上垂拱岩廊積成庶務

式總萬幾副是監撫山依搖彩

山依搖彩四字俱慎

補地立少陽物無隱情人服睿聖此五德

也罰慎其濫書有作則勝殘去殺孔著明

文任刑逞威伋疵伋疵二字淳化終食不

違理符道德故假約法於關中秦民胥悅

感嚴刑於關下漢后流名是以遠鑒前史

垂恩獄犴仁仁字慎同泣罪幽比推搆玉

科歸理遣之恩恩字慎金條垂好生之德黔

首齊民亭育含養咸欣然不知所以然此

六德也梧丘之首魂沉而靡託射射字慎改聲

之鬼曝骨而無歸起掩骼之慈被錫槥之

澤若使驗馬知歸感埋金於地下書生雖

殞尚飛被於天上恩均西伯仁同姬姬字慎補

入祖此七德也玄冥戒節五字慎改陰在歲

雪號千里水重三尺炎鑪吐色豐貂貂字慎補

入在御留上人之重愍終窶之眠發於篇

耳明集 序 四  
藻刑乎造次輟宴心歡矜容動色嘆陋巷  
之無褐嗟負薪之屢亡發私藏之銅息散  
垣下之玉粒施周澤洽無幽不晉御命之  
人不告而足受惠之家食恩之士咸謂櫟  
陽之金自空而墜南陽之粟自野而生此  
八德也陽阿淥水竒音妙曲遏雲繁手仰  
秣來風靡悅於胸襟非關於懷抱事等弃  
琴理均放鄭豈同魏兩作歌於長笛終噪

漢

漢字  
慎補

貳託賦於洞簫此九德也恠寶音

珠不留於噐服僊珠玉玦無取於浮玩土

木無綈屨宮殿靡磨礮此十德也承華廣

闊肅成且啓秋光洞入春花洒樹名僧結

侶長裾總集吐納名理從容持論五稱旣

辯九言斯洽如觀巨海如見游龍令羅折

談名儒稱疾無勞擁經入巷

巷字  
滿改

豈假羊

車詣門此十一德也研精博學手不釋卷

含芳腴於襟抱揚華綺於心極韋編三絕  
豈直爰象起先五鼓非直甲夜而歆歆字慎改  
案無休書愧密倦此十二德也羣玉名記  
洛陽素簡西周東觀之遺文刑名墨儒之  
旨要莫不殫殫字慎改茲聞見竭彼綿緜總括  
奇異徵求遺逸命謁者之使置籛金之賞  
惠子五車方茲無以比文終所收形此不  
能匹此十二三德也借書治本遠記齊攸一

見自書聞之闕澤事唯列國義止通人未  
有降貴紆尊躬刊手掇高明斯辯已亥無  
違有識 風長正魚魯此十四德也至於  
登高體物展詩言志金銑玉輝霞章霧密  
致深黃竹文冠綠槐控引解騷包羅比興  
銘及及字滿盤孟贗通圖圖字滿改象七慎曰七謂  
枚乘七發也○滿按文選藝文志俱以  
七為題與詩賦序記并列由來遠矣高  
愈疾之旨表有殊健之則碑窮典正每出

下脫一葉照原  
本補錄于後

則車馬盈衢課無失體纔成則列藩擊缶  
近逐情深言隨手變艱而不淫

周而不廢如彼羽族不喻於鸞鳳猶斯女工方之乎綺縠  
盛德之源如彼文章可聞如此信允篤元良獨高千載  
既而春祗委馭震露滿庭推華豈因麟嗣徒觀月毀非聽  
雉雌坐聞之墜悲纏教義痛結三才綱後曰智之效官才無  
卓爾結景雲霄幼逢獎訓左提右挈仰聖慈自頂至足恩  
均鎔造價由伯樂比此未為僥譽因元方茲無以比情深知  
已友切肌膚慕德懷恩何時可弭是用編輯道文條流藻  
績懸諸日月昭範後來凡二秩二十卷如左慎曰此文引用既博前裁  
又新然非深通流略洞兼  
能曉也

### 梁劉孝綽昭明太子集序

臣竊觀大易重明之象著焉抑又聞之七  
望之義存焉故書有孟侯之名記表元良  
之德歷選前古以洎洎字慎改夏周可得而稱  
啓誦而已雖徹聖挺賢光乎二代高文精  
義聞爾無聞漢之顯宗晉之肅祖昔自春  
宮益好儒術或專經止於區易或持論窮  
於真假子桓雖摛摛字慎改藻銅省集講肅成

事在藩儲理非皇貳未有正位少陽多才  
多藝者也粵我大梁之二十一載盛德備  
乎東朝若乃有縱自天惟睿作聖顯仁立  
孝行于四海如圭如璋不因琢磨之義爲  
臣爲子寧待觀喻之言惟性道難聞而文  
章可見故俯同志學用晦生知以絃誦之  
餘辰揔鄒魯之儒墨徧<sub>編</sub>綈緗於七閤彈竹  
素於九流地居上嗣實副元首皇帝垂拱

右廊委咸庶績時非從守事或監撫雖一

日二日攝覽萬機猶臨書幌而不休對歌

歌字  
慎改

案而忘怠况復迄納侍講討論經紀

去聖滋遠愈生穿鑿枝分葉散殊路倦

倦字

慎改馳靈臺辟雍之疑禋宗祭社之繆明章

申老之議通顏理王之說

蕭鞠

字似

然否剖

析同異察言抗論窮理盡微于時淹中稷  
下之生金華石渠之士莫不過衢樽而挹



多少見斗極而曉西東與夫畫春卿之道  
贊仲尼之宅非賈誼於蘇林問蕭何於棗  
據區區前史不亦慙歟加以學貫捻持辯  
同無破五時密教見猶鏡象一乘妙旨旨字  
蒲改觀若掌珠及在布金之園處如龍之衆  
開示有空顯揚權實是以偏動六地普雨  
四花豈直得解瓔須提舍鉢瓶沙騰曇沙騰  
曇三字慎添入言德梵志依風而已哉若夫天文

以爛然為美人文以煥乎為貴是以隆儒  
雅之大成遊雕蟲之小道握牘持筆思若  
有神曾不斯須風飛雷起至於宴遊西園  
祖道清洛三百載賦該極連篇七言致擬  
見諸文學博奕興詠並命從游書令令字  
入視草銘非潤色七慎曰七謂窮燁燁之  
說表極遠大之才皆喻不備體詞不掩義  
因宜適變曲盡文情竊以屬文之體鮮能

周備長卿徒善既累爲遲少孺雖疾俳優  
而已子淵淫靡若女工之蠹子雲侈靡異  
詩人之則孔璋詞賦曹祖勸其修今伯皆  
荅贈摯虞知其頗古孟堅之頌尚有似晉  
之譏士衡之碑猶聞類賦之貶深乎文者  
兼而善之能使典而不野遠而不放麗而  
不淫約而不儉獨善衆美斯文在斯假使  
王朗報箋卞蘭獻頌猶不足以揄揚著述

稱贊才章况在庸臣曾何彷彿然承華肇  
建濫齒時髦居陪出從逝將二紀譬彼登  
山徒仰峻極同夫觀海莫際波瀾但職官  
書記預聞盛蕙歌詠不足敢忘編次謹爲  
一秩十卷第目如左日升松茂與天地而  
偕長壯思英詞隨歲月而增廣如其後錄  
以俟賢臣

梁簡文帝上昭明太子集別傳等表

曰若夫正少陽之位主承桃之則口實爲  
美唯稱啓誦自茲厥後罕或聞焉昭明太  
子稟仁聖之姿縱生知之量孝敬兼極溫  
恭在躬明月兩流幼有文章之敏羽籥東  
序長備元良之德非假二踈寧勞四皓虎  
賁恣其經學智囊慙其調護豈止博望延  
賓壽春能賦問疑棗據書戒憑陵而已哉

玉折何追星頽靡續地尊號嗣外陽之術  
無徵位北周儲緱山之駕不反臣以不肖  
妄作明離出入銅龍瞻仰故實思所以榆  
楊盛軌宣記德音謹撰昭明太子別傳文  
集請備之延閣藏諸廣內未彰茂實式表  
洪徽

梁蕭子範求撰昭明太子集表

曰臣聞姬旦云亡播禮樂於百代宣尼既  
歿傳雅頌於千祀夏啓之風載傳樂野周  
晉之迹止在洛濱入侍四公西京見美長  
壽一察東漢流名魏擊之悟篋衣事關戰  
國孫登之愛田苗義屬偏霸各稱小善靡  
擅雕蟲子相雖詩賦可嘉矩範頓關貽譏  
良史取誚前載備而爲論發粵允歸自少

陽潛位震方滅采神儀長往銅龍毀構音  
顏緬邈舟壑遷移若乃緣情體物繁絃縶  
錦縱橫艷思籠蓋辭林積練累素盈車滿  
笈金石有銷斯文方遠既異陳王之躬撰  
又非當陽之自集臣蟬翼輕身未從塵露  
而班輸嚴駕永輟駢駮戀主懷茲伏深涕  
慕冒乞銓次遺藻勒成卷軸

以上二篇俱滿選入

梁昭明太子文集卷第一

梁昭明太子文集卷第一

梁昭明太子撰

明成都楊慎 周蒲

東吳周復俊 皇甫汈校刊

賦

殿賦

觀華矚之美者莫若高殿之麗也高殿博

宋本半葉行  
十六字  
前有目十行

啟華色照朗內備雜藻外發珍象延脰脰字

蒲觀之欣然俯仰闌檻參差棟宇齊夏玄

黃既具鮮麗亦亦字發椽并散節若山

若谷或象翔鳥或擬森竹竹字藻枕鮮華

而粲粲字色山節珎形而矐目旅視刑則

委累嗟峨彫丹文於簷際鏤華形以列羅

若乃日照珠簾彪炳灼灼字爍輕風吹幌

乍揚乍薄接長棟之耿耿簷垂溜於四隅

建廂廊於左右造金墀於前廡卷高帷於  
玉楹且散志於琴書

銅博山香爐賦

方夏鼎之瓌異類山經之倣詭詭字制一

器而備衆質諒茲物之為侈于時青女司

寒紅光翳景吐圓舒於東岳匿丹曦於西

嶺蕙蕙字慎改帷已低蘭橐未屏爨松栢之火

焚蘭麝之芳熒熒字俊改熒內曜芬芬外揚似

至精之純質  
靈嶽之幽深  
班倕之妙音運  
輸之巧心有董  
而巖隱亦霓  
而昇仙寫高山  
龍從象鄧林  
羊眠

卿雲之呈色若景星之舒光齊姬合歡而  
流盼燕女巧笑而蛾揚趙公聞之見錫粵  
文若之留香信名真而器美未服玩於華  
堂

古樂府

將進酒

洛陽輕薄子長安遊俠兒兒宜城溢渠盃中  
山浮羽卮

長相思

相思無終極長安起嘆息徒見兒嬋娟寧  
知心有憶寸心無以因願附歸飛翼  
有所思

公子遠于隔乃在天一方望望江山阻悠  
悠道路長別前秋草落別後春花芳雷嘆  
一聲響雨淚或成行愴望情無極傾心還  
自傷

三婦豔

大婦舞輕巾中婦拂華裯小婦獨無事紅  
黛潤芳津良人且高臥方欲薦梁塵

上林

千金裏裏字俊改驥騎萬折折字慎改流水車爭遊  
上林裏高蓋逗春花

飲馬長城窟行

一云擬青  
青河畔草

亭亭山上栢悠悠遠行客行客行路遙故

鄉日迢迢迢迢不可見長望涕如霰如霰  
獨留連長路邈綿綿胡馬愛北風越燕見  
日喜緼此望鄉情沈憂不能止有朋西南  
來接我用木李并有一札書行止風雲起  
扣封披書札書札意何有前言節所愛後  
言別離久行客二字迢迢二字如霰  
二字書札二字俱慎添入  
相逢狹路間

京華有曲巷巷曲不通輿道逢一俠客緣



路問君居君居在城北可尋復易知朱門  
 間皓壁刻楠映晨籬階植茗華草光景逐  
 颺移輕幙慎改逐四屈蘭膏然百枝長子  
 飾青紫中子任以貲小子始捻角方作啼  
 弄兒三子俱入門赫奕盛羽儀華駟服衡  
 轡白玉鏤鞵羈容止同規矩賓從盡恭卑  
 雅鄭時問作孤竹生參差雲翔雜水宿哢  
 吭蒲清池歡樂無終極流目豈知疲門下

非毛遂坐上盡英奇大婦成貝貝字慎改錦中  
 婦治粉絕絕字慎改小婦獨無事理曲步簷乘  
 文人暫徙倚行使流風吹

詩

附梁武帝遊鍾山大愛敬寺

曰予受塵縛未得留蓋纏三有同永夜六  
 道等長眠眠字慎改才性乏方便智力非善權  
 生仕無停相刹那即徂遷歎逝比悠稔交

臂乃奢年從流既嘆反溺喪謂不然二苦  
 常追隨三毒自燒然貪癡養憂畏熱惱坐  
 焦煎道心理歸終信首故宜先駕言追善  
 友回輿尋勝緣面勢周大塊縈字慎改帶極  
 長川稜層疊嶂遠迤邐高藝作隘懸朝日  
 照花林光風起香山飛鳥發差池出雲去  
 連綿落英分綺色墜露散珠圓當道蘭藿  
 靡臨堦竹便娟幽谷響嚶石瀨鳴濺濺蘿

短未申攬葛嫩不往牽攀緣傍玉澗褰陟  
 度金泉長途弘翠微香樓間紫煙慧居超  
 七淨梵住踰八禪始得展身敬方乃遂心  
 虔菩提聖種子十力萬作良福田正趣果  
 上果歸依天中天一道出死生有無離二  
 邊何待同空后豈羨汾陽前以我初覺意  
 貽尔後來賢

和

唐游薄汾水周載集瑤池豈若欽明后廻

鸞鷲嶺岐神心鑒無相仁化育有為以茲

慧慧字慎改日照復見法雨雨字慎改垂萬邦躋仁

壽北庶滌塵羈望雲雖可識日用豈能知

鴻名冠子姁德澤邁軒羲斑斑仁獸集足

足足字慎改慎曰翔鳳儀善遊茲勝地

茲岳信靈竒嘉禾互互字慎改紛紜層峯鬱蔽

虧丹藤統垂幹綠竹蔭清池舒華匝長阪

陔字慎改好鳥鳴喬枝霏霏慶雲動靡靡祥風

吹谷虛流鳳管野綠映丹麾帷帷字慎改宮設

厘外帳殿臨郊垂俯同南風作斯文良在

斯伊臣限監國卽事阻陪隨顧惟實庸菲

冲薄竟奚施至理徒興羨終然類管窺上

聖良善誘下愚慚不移

梁昭明太子文集卷第二

○○○詠山濤王戎詩二首顏生五君詠不

取山濤王戎余聊詠之焉

山公弘識量早側竹林歡聿來值英主身  
游廊廟端位隆五教職才周五品官為君翻  
已易居臣良不難

其文

濬充如蕭散薄暮暮字慎改至中台徵神歸鑿

景晦行屬聚財稽生襲玄夜阮籍變青灰  
留連追宴緒墟下獨徘徊

宴闌思舊一首

孝若

明山賓字

信儒雅稽古文敦淳茂

治字

實俊朗文義縱橫陳佐公持方介才學罕

為隣灌蔬

殷芸字

寔

溫雅摘藻每清新余非

狎

狎字俊改

異者惟舊且懷仁綢繆似河曲契

闊等漳濱如何離災盡眇漠同埃塵一起

應劉念泫泫欲沾巾

擬古二首

晨風被庭槐夜露傷堦草霧苦瑤池黑霜  
凝丹墀皓䟽條素無陰落葉紛可掃安得  
紫芝術終然獲難老

其二

窺紅對鏡斂雙眉含愁拭淚坐相思念人  
一去許多時眼語笑靨近來情心懷心想

耳明集 卷二 九  
甚分明憶人不忍語銜慎改恨獨吞聲

兒雪一首六言

既同標梅英散復似太谷花飛密如公超  
所起皎如淵客所揮無羨岷岩列素豈匹  
振鷺群歸

晚春

紫蘭葉初蒲黃鶯弄始稀石蹲還似獸蘿  
長更勝衣水曲文魚聚林暝雅鳥飛渚蒲

變新新字慎改節岩桐長舊園風花落未已山

齋開夜扉

詠同心蓮

江南採蓮處照灼本足觀况等連枝樹俱  
耀紫莖端同踰並根草雙異獨鳴鸞以茲  
代萱草必使愁人歡

賦書帙

擢影兔園池抽莖洪水側朝映出嶺雲莫

聚飛歸翼幸雜絳囊用聊因班女識一合  
軒義曲千齡如可即

玄圃講

白藏氣已暮

暮字滿改

玄英序方及稍寬蟹聲

悽

悽字慎改

轉聞鳴鴈急穿池狀浩汗築峯形

嶭吸盱雲緣宇陰晚景乘軒入風來幔影

轉霜流樹沫

沫字俊改

濕林際素羽翺漪間頽

尾吸試欲遊寶山庶使信根立名利白巾

談筆札劉王給茲樂踰笙磬寧止消情邑  
唯娛惠有三終寡聞知十

東齋聽講

昔聞孔道貴今覩釋花珍至理乃悟寂承  
稟實能仁示教雖三微妙法信半均信言  
一鄙俗延情方慕真庶茲祛八倒與此遣  
六塵良思

思字慎改

大車道方願寶船津長延

未生肇

慎曰生公肇

庶席諒徐陳是節朱明季

印明集 卷二  
灼爍治渠新霏雲出翠顏涼風起青蘋既  
參甘露旨方欲書縉紳

僧正 并序

大正以真俗兼解鬱爲善歌璉師以行有  
餘力緣情繼響余自法席既闌便思和寂  
杼軸二年濡翰兩器大正令春復爲同泰  
建講法輪將半此作方成所以物色不同  
序事或異

□光開鷲岳金牒秘香城窮源絕有際離

照歸無名若人聆至寂寄說表且冥能令

梵志遣亦使群魔驚寶珠分水相須彌會

色形學徒均染氎遊士譬春英伊予

寡空智徒深愛怯情舒金起祗苑開筵慕

肅成年鍾儵從變望聚舒盈今開火林

聚淨土接承明掖影連高塔法鼓亂嚴更

雷聲芳樹長月出地芝生已知法味



樂復恍玄言情何因動飛轡暫使塵勞輕

### 鍾山解講

清宵出望園詰

詰字滿改

晨屆鍾嶺輪動文學

乘笳鳴賓從靜瞰出峯隱光月落林餘影  
糾紛八桂密坡陁再城永伊予愛丘壑登  
高至節景迢邐觀千室迤邐觀萬頃卽事  
已如斯重茲遊勝境精理旣已祥玄言亦  
兼逞方知蕙帶人躡虛成易屏睡瞻情未

終龍鏡忽遊騁非曰樂逸遊意欲識其類

### 林下作妓詩

炎光向夕歛徙宴臨前池泉將影相得花  
與面相宜箎聲如鳥弄舞袖寫風枝懽樂  
不知醉千秋常若斯

### 詠彈箏人

故箏猶可惜應度幾人邊塵多澁移柱風  
燥脆調絃還作三洲曲誰念九原原字慎改泉

開善寺法會

栖鳥猶未翔命駕出山庄詰屈登馬嶺回  
互入羊腸稍看原藹藹漸見岫蒼蒼落星  
埋遠樹新霧起朝陽陰池宿早雁寒風催  
夜霜茲地信閑寂清曠惟道場玉樹琉璃  
水羽帳鬱金牀紫柱珊瑚地神幢明月當  
牽蘿下石磴攀桂陟松梁澗斜日欲隱煙  
生樓半藏千祀終何邁百代歸我皇神功

照不極叡鏡湛無方法輪明暗室慧海度  
慈航塵根久未洗希沾垂露光

講解將畢賦三十韻詩依次用

法苑稱嘉柰慈園羨修竹靈覺相招影神  
功共栖宿慧義比瓊瑤薰染猶蘭菊理玄  
方十筭功深似九竺華水警銀舟方衢列  
金軸微言絕已久頗勞多累蓄因茲闡慧  
雲欲使心庶伏八水潤焦芽三明啓羣目

寶鐸旦旦字參差名香晚紛郁暫舍六龍

駕微祛二鼠蹙意樹登空花心蓮吐輕馥

喻斯滄海變譬彼菴羅熟妙智方縛錦深

詞同霧縠善學同梵爪真言異銅腹逶迤

合蓋城葳蕤布金郁珠華蔭八溪玉流通

九谷青禽乍上下雲雁飛翻覆高談屬時

勝寡聞終自恧日麗梵央瓦風度蜘蛛屋

落蔕散香霏浮雲卷遙族曠濟同象園中

乘如佇獨後燄難堅明初心易驚縮應當

離花水無令乖七木投岩不足貴棘木安

可宿器月希留影心灰庶方撲視愛同採

蜂遊善如原菽八邑僊人山四寶神龍澳

樂俱字樂字樹末繁稠禪枝詎凋撼以茲

悅聞道庶此優馳逐願追露寶車脫屣親

推轂

弓矢讚

弓用筋角矢製良工亦以觀德非止臨戎  
楊葉命中猿墮長空

百目十三行  
梁昭明太子文集卷第三

謝勅賚水犀如意啓

臣某啓應勅左右伯佛掌常宣勅旨垂賚  
水犀如意一柄式是道義所須白玉照采  
方斯非貴珊瑚挺質匹此未珍彫剖既成  
先被庸薄如蒙漢帝之簪似獲趙堯之印  
謹仰承威神陳諸講席方使歡喜羅漢懷  
棄鉢之嗟嗟字滿改玉式碩儒忻驪駒之辨熊

熊字飾寶刀子桓恧其大賚犛牛輕拂張  
滿改飾寶儀殊恩特降伏深荷躍不任下  
情謹啓事以聞謹啓

謝勅賚看講啓

臣某啓主書管萬安奉宣勅旨以臣今講  
竟曲垂勞問伏以正言深奧捻一群經均  
斗杓以命四時等太陽而照萬國臣不涯  
庸淺輕敢奉宣莫測天文徒觀玉府慚悚

交并寢興無寘仰降中使俯賚光臨榮荷  
殊慈靡知啓處不任下情謹附啓事謝聞  
謝勅參解講啓

臣某啓主書周昂奉宣勅旨垂參臣今講  
解伏以至理希夷微言淵奧非所能鑽仰  
遂以無庸叨茲宣釋將應讓齒反降教胄  
之恩允宜尚學翻荷說經之詔竊以挾八  
威之策則神物莫于服九丹之華則遷徒

可役臣仰承皇威訓茲學侶奉揚聖旨同  
曉群儒鼓冶異師陶鈞久滯方使惠施而  
其短長公孫罷其堅白王生挫辨既盡神  
氣法開受屈永隱東峯中使典臨彌光函  
席仰戴殊慈不知啓處不任下情謹奉啓  
事謝聞

謝勅賚制旨大涅槃經講疏啓

涅槃字  
蒲改

大涅槃經講疏啓

臣某啓後閣應勅木佛子奉宣勅旨垂賚

制旨大般涅槃經講疏一部十帙合目百  
一卷寒鄉覩目未足稱竒采藥逢僊曾何  
譬喜臣伏以六爻所明至邃窮於幾象四  
書所摠施命止於域中豈有牢籠因果辨  
斯寶城之教網羅真俗開茲月蒲之文方  
當道洽大千化均百億雲彌識種雨徧身  
田豈復論唐帝龜書周王策府何待刊寢  
盤盂屏黜丘索甘露妙典先降殊恩揣已

循愚不勝慶荷不任頂戴之至謹奉啓謝  
聞謹啓

謝勅賚制旨大集經講疏啓

臣某啓宣詔王慧慧字慎寶奉宣勅旨垂賚  
制旨大集經講疏二帙十六卷甘露入頂  
慧水灌心似暗遇明如饑獲飽伏以非色  
非欲二界同坊匪文匪理三詮三詮一字慎補入  
雲集四辯言而未極八聲闡而莫窮俯應

天機垂茲聖諦

諦字慎補入

固真如而無盡與

日月而俱懸但觀寶春山獲珠大海臣寔  
何能恒蒙誘被張奏俗筆豈足陳心抗袖  
長言未伸歌舞不任喜荷之至謹奉啓謝  
聞

謝勅賚地圖啓

漢氏輿地形茲未擬晉代方文比此不妙  
匹之長樂唯盡古賢傳之未央止圖將帥

未有洞該八藪混觀六合城中天外指掌  
可求地角河源戶庭不出豈問千秋自識  
烏丸之地脫逢壯武方著博物之書

何徹奉啓

徹啓函典書陳顯宗至奉八月十二日令  
旨恩洽庸陋榮被蓬華開紙披讀伏深慶  
幸徹性愛山泉情篤魚鳥而從鷗未狎入  
獸相驚兼年齒衰莫荒徑榛梗既無語稼

之客寧有論書之賓緘默賦畝栖息立  
秀木清潭於茲末已伏惟明睿之德誕縱  
自天忠孝之規不待因習猶復留神六經  
降意百氏同仁博古等物造聞闢承華而  
延儒雅掃黃闈而引文學嘉美聿宣無思  
不勸徹無解頤之談屢蒙獎飾之重匪南  
皮之舊貫貫字慎改荷存問之恩私私字慎添入街  
慈求極罔罔字慎改知攸寘不任銘佩屏營之



情謹附啓謝謹啓

錦帶書十二月啓

太簇正月

伏以北斗周天送玄冥之故節東風拂地  
啓青陽之芳辰梅花舒兩歲之裝栢葉泛  
三光之酒飄飗飄字改餘雪入簫管以成歌  
皎潔輕冰對蟾光而寫鏡敬想足下神遊  
書帳性縱琴堂談叢發流水之源筆陣引

崩雲之勢昔時文會長思風月之交今日  
言離求嘆參辰之隔但某執鞭賤品耕鑿  
庸流沉形南畝之間滯迹東臯之上長懷  
盛德聊吐愚衷謹憑黃耳之傳佇望白雲  
之信

夾鍾二月

伏以節應佳辰時登令月和風拂迥淑氣  
浮空走野馬於桃源飛少女於李徑花明

麗月光浮竇氏之機鳥哢芳園韻響王喬  
之管敬想足下優游泉石放曠烟霞尋五  
柳之先生琴尊雅興興字改謁孤松之君子  
鸞鳳騰翮成萬世之良規實百年之令範  
但某蓆戶幽人蓬門下客三冬勤學慕方  
朔之雄才萬卷常披習鄭玄之逸氣既而  
風塵頓隔仁智並乖非無衰侶之憂誠有  
離群之恨謹伸數字用寫寸誠

姑洗三月

伏以景逼徂

徂字改

春時臨變節啼鶯出谷

爭傳求友之音翔

翔字改

藥飛林薙散佳人

佳人字

之鱗魚遊碧沼疑呈遠道之書燕

慎改

語雕梁狀對幽閨之語鶴帶雲而成蓋遙

籠大夫之松虹跨澗以成橋遠現美人之

影對茲節物寧不依然敬想足下聲馳海

內名播雲間持郭璞之毫鸞詞塲月白春

羅含之彩鳳辯囿日新某山北逸人墻東  
隱士龍門退水望冠冕冕字後改以何年鷓路  
頽風想簪纓於幾載既遠語嘿且阻江湖  
聊寄八行之書代申千里之契

中呂四月

節屆朱明暑鍾丹陸依依聳蓋俱臨帝女  
之桑鬱鬱丹城並挂陶潛之柳梅風拂戶  
牖之內麥氣擁宮闕之前敬想足下聲聞

聞字慎添九臬詩成七步涵蚌胎於學海卓爾

超群蘊抵鵲於文山儼孤秀但某窮途  
異縣岐路他鄉非無阮籍之悲誠有楊朱  
之泣每遇秋風振響鶉鷩子夏之衣夜月  
流輝鵲繞將軍之樹既乖連壁之契終隔  
斷金之情中心藏之卑誠至矣今因去雁

聊寄芻蕘如遇回鱗希垂奎翰翰字慎補入

蕤賓五月

明集 卷三  
麥隴移秋桑律漸暮蓮花泛水艷如越女  
之顛蘋葉漂風影亂秦臺之鏡炎風以之  
扇戶暑氣於是盈樓凍雨洗梅樹之中火  
雲燒桂林之上敬想足下追涼竹徑托蔭  
松間彈伯牙之素琴酌嵇康之綠酒縱橫  
流水醕酏頽山實君子之佳游乃王孫之  
雅事某沉痾漳浦臥病泉山頓懷劉幹之  
勞鎮抱相如之酷是知枯榮莫測生死難

量驗風燭之不停停字滿改如水泡之易滅聊  
伸弊禮以代勞人佇覩芳詞希垂愈疾

林鍾六月

三伏漸終九夏將謝營飛腐草光浮帳裏  
之書蟬噪繁柯影入機中之鬢濯枝遷而  
潦溢芳槿茂而發榮榮字慎改山土焦而流金  
海水沸而漂爍敬想足下藏形夜月遁跡  
冰床披莊子之七篇逍遙物外玩老聃之

兩卷恍惚懷中但某白社狂人青緗末學  
 不從州縣之職聊立松鶴之間時假德以  
 為隣或借借字慎改書而取友三千年之獨鶴  
 暫逐鷄群九萬里之孤鵬權潛燕侶既非  
 得意正可忘言諸不具伸應俟俟字慎添入面  
 會

夷則七月

素商商字慎改驚辰白截截字慎添節節字慎添金風曉振

偏傷征客之心玉露夜凝直泫僊人之掌  
 桂吐花於小山之上梨翻葉於大谷之中  
 故知節物變衰草木搖落敬想足下時稱  
 獨步世號無雙萬頃澄陂黃舂度之器量  
 千尋聳榦稽中散之楷模但某一介庸才  
 二隅頑學懷經問道不遇披雲負笈尋師  
 率逢見日俛仰興嘆形影自憐不知龍前  
 不知龍後鶯鵬雖異風月是同幸矣擇交

希垂影拂

南呂八月

一嘆分飛三秋限隔遐思盛德將何以伸  
白雲斷而音信稀青山暝而江湖遠敬想  
足下羽儀勝卷領袖嘉賓傾玉醅於風前  
弄瓊駒於月下但某登山失路涉海迷津  
聞猿嘯而寸寸斷腸聽鳥聲而雙雙下淚  
以黃花咲冷白羽悲秋既傳蘇子之書

更泛陶公之酌聊因三鳥畧叙二難面會

取書不能盡述或叨風念不黜魚緘黜字緘字

俱慎改

無射九月

宿昔親朋平生益友不謂窮通有分雲雨

將乖乖字慎改既深伐木之聲更問采葵之詠

屬以重陽變叙節景窮秋霜抱樹而擁柯

風拂林而下葉金堤翠柳帶星采而均調

紫塞蒼鴻追風光而結陣敬想足下秀標  
 東箭價重南金才過吞鳥之聲德邁懷皎  
 之智但某衡門賤士甕牖編微生既無白馬  
 之談且乏碧雞之辯嘆分飛之有處嗟會  
 面以無期聊伸布服之言用述併糧後曰併糧  
 恐是并之志滿曰併糧二  
 良之意字不知誤否

應鍾十月

節屆玄靈鍾應陰律愁雲拂岫帶枯葉以

飄空翔氣浮川映危樓而疊迥胡風起  
 耳之凍趙日興曝背之思敬想足下山岳  
 鍾神星辰挺秀潛明晦跡隱於朝市市字慎改  
 之間縱法化人不混鄉閭之下某陋巷孤  
 遊穿墻自活終朝息爨若孔子之為貧竟  
 日停炊如范生之在臧牛衣當被畏見王  
 章犢鼻親操操字慎添恐逢犬子雖此慚賤而  
 不羞貧綺服有時此言何述

黃鍾十一月

日往月來灰移火變暫乖語嘿頓膈秦吳  
 既傳蘇李之書更共范張之志冷風盛而  
 結鼻寒氣切而凝唇虹入漢而歲形鶴臨  
 橋而送語彤雲垂四面之葉玉雪開六出  
 之花敬想足下世彌冰壺時稱武庫命長  
 袂而留客施大被以招賢酌醇酒而撻切  
 骨之寒溫獸炭而祛透心之冷某携戈日

父荷戟年深揮白刃而萬定死生引虹旗  
 而千决成敗退龍劍而却步月下開營進  
 鯨鼓而橫行雲前起陣徒勞斬斫豈用功  
 勲諸不具陳謹伸微意

大呂十二月

分手手字慎改未遙翹心且積引領企踵朝夕  
 不忘及字慎改眷友思仁行坐未捨既屬嚴風  
 極冷苦霧添寒冰堅漢地之池雪積袁安



之宅敬想足下棲神鶴駕眷想龍門披玩  
之間願無捐德某種瓜賤士賣餅貧生入  
爨竈以揚聲不遜蔡子駕鹽車而顯跡罕  
遇孫楊徒懷叩角之心終想暴暴字慎改腮之  
患既爲久要聊吐短章紙盡墨窮何能懇  
露

書  
荅雲法師請開講書

某覽近示知欲見令道義夫釋教凝深至

理淵粹一相之道杳然難測不二之門寂  
然無響自非深達玄宗精解妙義若斯之  
義豈易輕辨至於宣揚正教在乎利物耳  
弟子之於內義誠自好之樂之然鉤深致  
遠多所未悉爲利之理蓋何足論諸僧並  
入法門遊道日廣至於法師彌不俟說云  
欲見參稟良所未喻想得此意不復多云  
某和南

又荅

重覽來

來字滿改

示知猶欲令述義不辯爲利

具如前言甘露之開彌漸未說若止是畧  
標義宗無爲不爾但媿以魚目擬法師之  
夜光耳某和南

荅晉安王書一首

得五月二十八日疏拜詩一首省覽周環  
慰同促膝汝本有天才加以愛好無忘所

能日見其善首尾裁淨可爲佳作吟玩反  
覆欲罷不能相如奏賦孔璋呈檄曹劉異  
代並號知音發嘆凌雲興言愈病嘗謂過  
差未以信然一見來章而樹謖忘痍方證  
昔談非爲妄作炎涼始質觸興自高覩物  
興情更何篇什昔梁王好士淮南禮賢遠  
致賓游廣招英俊非唯籍甚當時故亦傳  
聲不朽必能虛已自來慕義含毫屬意差

有起予攝養得宜與時無爽耳既責伐有  
寄居多暇日殺核墳史漁獵詞林上下數  
千年間無人致足樂也知少行遊亦動亦  
靜不出戶庭觸地丘壑天遊不能隱山林  
在月中冷泉石鏡一見何必勝於傳聞松  
楊杏林知之恐有逾就吾靜然終日披古  
爲事况觀六籍雜玩文史見孝友忠貞之  
跡覩治亂驕奢之事足以自慰足以自言

人師益友森然在目嘉言誠至無俟俟字慎改  
旁求舉而行之念同乎此但清風朗月思  
我友于各事藩維未克棠棣興言屆此夢  
寐增勞善護風寒以慰懸想指復立此促  
遲還書某疏

荅湘東王求文集及詩苑英華書

首

得疏知須詩苑英華及諸文製發函伸紙

閱覽無輟雖事涉鳥有義異擬倫而清新  
卓爾殊爲佳作夫文典則累野麗亦傷浮  
能麗而不浮典而不野文質彬彬有君子  
之致吾嘗欲爲之但恨未遵耳觀汝諸文  
殊與意會至於此書彌見其美遠兼邃古  
傍槩典墳學以聚益居居字焉可賞吾少  
好斯文迄茲無倦譚譚字經之暇斷務之  
餘陟龍樓而靜拱掩鶴關而高臥與其餘

食終日寧遊思於文林或日因春陽其物  
韶麗樹花發鶯鳴和春泉生暄風至陶嘉  
月而熙遊藉芳草而睡屬或朱炎受謝白  
歲紀時玉露夕流金風夕扇悟秋山之心  
登高而遠託或夏條可結倦於邑而屬詞  
冬雲千里覩紛霏而興詠密親離則手爲  
心使昆弟宴則墨以觀露又愛賢之情與  
時而篤翼同市駿庶匪畏龍不如子晉而

事似洛濱之游多愧子桓而與同漳川之  
 賞漾舟玄圃必集應阮之儔徐輪博望亦  
 招龍淵之侶校覈仁義源本山川旨酒盈  
 壘嘉肴益俎曜靈既隱繼之以朗月高春  
 既夕申之以清夜並命連篇在茲彌博又  
 往年因暇採英華上下數十年間未易  
 詳悉猶有遺恨而其書已傳雖未為精覈  
 亦粗足諷覽集乃不工而並作多麗汝既  
 須之皆遣送也某啓

與何徹書

某扣頭叩頭昔園公道勝漢盈屈節春卿  
 經明漢莊北固况乃義無乎此而顧揆不  
 肖哉但經途千里眇焉莫因何嘗不夢姑  
 胥而鬱陶想具區而杼軸心往形留於茲  
 有年載矣方今朱明受藝作謝清風戒寒  
 想攝養得宜與時休適耽精義味玄理息

器塵玩泉石激揚碩學誘接後進志與秋

天競高理與春泉爭温樂可言乎藝再有一此一句

豈與口厭芻豢豢字滿改耳聆絲竹之娛者同

年而語哉方今泰階端平天下無事修日

養又差藝作老得從容鑽閱六經泛濫百氏

研尋物理領畧清言既以自慰且以自傲

而才力有限思力匪長熱疹憤憤憤字滿添

藝作疾憤多慙過目釋卷便忘是以蒙求之懷

於茲彌軫聊遣典書陳顯宗申其蘊結想

敬宜此豈盡意某叩頭

丁卯正月十三日括景宗  
本校燈古共畢三卷